



Ukuciluka Umupaka Wa Nshita

William Marrion Branham

Ukuciluka Umupaka Wa Nshita

Uluccelo lumo nalisendeme pa busanshi bwandi. Kabili nali...nali ni ndala, kabili nalotele ukutila Joseph alilwele, kabili nalimwimishe ku kumupepelako. Kabili ilyo nashibwike, nalyumfwile ububi sana. Natile, “Cisuma, nalimo Joseph ali nokulwala.”

Kabili naliloleshe, ukupita ku ntanshi yandi, mu cinono, icinshingwa icafita, ntile icamutundu uwakashikila. Kabili camoneke kwati cali nine. Kabili nalicilolekeshe. Kabili ukukonka kunuma ya cena kwaliko Umo muntu uwabuta, kabili cali ni Wene. Nalolekeshe pa mukashi wandi, ukumona nga nabuka, pakutila ningamulangisha, engamona icimonwa. Lelo ali mutulo.

Natile, “Owe, njeleleniko, Shikulu. Lelo, bulya e bumi bwandi, Mwaba abakunsunka muli fyonse ifyo nacita. Cila nshita icili conse nga cacitika, ntontonkanya ukuti Nimwe mwe balecicita. Kabili naishileiluka ukutila cali ni Satana ukwasha ukuncingilila kuli cena.” Natile, “Nga cakutila kuti Mwantungulula fye.” Kabili ilyo nalolekeshe, namwene icinso icayembesha ico nshatalamonapo ica muntu. Ali kuntanshi yandi, alelolesha kunuma. Aimishe ukuboko Kwakwe no kunjikata ku kuboko, no kutendeka ukuya *uku* lubali. Icimonwa calinshile. Umulungu wa fumineko ulucelo, nali, shibwike ulucelo celo. Cilya cali ni pa Cibelushi, ici cimonwa. Pali. . .

Lyonse nalesakamana, lyonse ndatontonkanya pa kufwa. Cena, ine ukuba amakumi yasano, caba, inshita

yandi tailati...natontonkenye tayali apatali. Kabili nalisungwike ifyo nkesaba muli ulyo mubili uwa bu malaika, umubili wa mu mulu. “Bushe kuti caisaba ukuti la na isamona abanandi natemwa kabili, no kusosa, fubefube umunono alepita, no kusosa, ‘Ulya aleya Munyina Neville,’ atemwa, ena tekuti asose, ‘Shani, Munyina Branham’? Kabili ilyo Yesu akesa, lyena nkesaba umuntu nakabili.” Lyonse efyo naletontonkanya.

Nalelota nali kulya ku Masamba. Kabili naishile pita mukati ka ncende iya tumpusa utunono, kabili umukashi wandi ali na ine, kabili twali tuleloba isabi ilitwa imbowa. Kabili naliminine no—no kwisule mpongolo. Kabili ulwelele lwali ulusuma sana. Talwalemoneka nge fyo lwaba kuno ku nika. Lwali ulwa blue, kabili na makumbi ayasuma ayabuta. Kabili natile ku mukashi wandi, natile, “Twalingile ukuba kuno, akale sana, mutemwikwa.” Atile, “Pa mulandu wabana, ngatwali kuno, Billy.” Natile, “Cilya e . . .” Kabili nalishibwike.

Natontonkenye, “Ndelota sana! Ndesunguka mulandu nshi?” Kabili naloleshe panshi, kabili ena alele kumbali yandi.

Kabili naishile imya umutwe wandi pali pilo wandi, nge fyo imwe mwebengi mwe bantu mwacicitapo, nabikile umutwe wandi pa mulu wa—wa kumutwe ya bed, nabikile amaboko kunuma yandi. Kabili nalisendeme palya nge *fi*. Kabili natile, “Cisuma, ndesunguka fye ifyo cikesaba, kulubali lumbi. Ndi kale na makumi yasano, kabili nshilacitapo nangu cimo nakalya. Nga kuti nacita fye icintu cimo ukwafwa Shikulu, pantu ninjishiba nshakatwalilile ukubo wa mweo. Citika wa nshita yandi yalipita, ndemoni, atemwa ukucila citika. Nga cakutila

nkekala ukwisa kota nga bantu bandi, nelyo line citika ya nshita yandi yalipita.” Kabili naloleshe monse monse. Nali nindala palya, ukuteyanya ukubuka. Cali mupepi na seven koloko. Natile, “Ndecetekela nalaya kulya ku chalici, muno lucelo. Nga nalikoma ishiwi lyandi, kuti natemwa ukumfwa Munyina Neville ukushimikila.”

E ico natile, “Bushe naubuka, mutemwikwa?” Kabili alilele mutulo sana.

Kabili nshilefwaya imwe ukupanya ici. Na ncimpilibula. Te kuti mbe Munyina Branham umo wine filya nali.

Kabili naliloleshe. Kabili nalyumfwile Icintu cimo, catwalilile ukusosa, “Elyo uletendeka fye. Lwisho bulwi. Twalilila ukulalwisha.”

Nalipukwinye umutwe wandi pali miniti. Natontonkenye, “Cisuma, nalimo ndetontonkanya fye ifi fine.” Namwishiba, umuntu kuti akwata ifyakwelenganya. Kabili natile, “Nalimo ine nacilaelenganya fye cilya.”

Lyatile, “Lwisha ubulwi. Twalilila fye. Twalilila fye.”

Natile, “Nalimo nine nacilalanda.” Kabili nalisumenye imilomo yandi, no kubika ukuboko kwandi pa kanwa kandi.

Kabili palya Lyaliishile nakabili, lyatile, “Twalililafye ukulalwisha. Nga cakutula waliishibefye icali kumpela ya musebo!”

Kabili camoneke kwati naleumfwa Graham Snelling, atemwa umo muntu, ulya uwaimbile lulyo lwimbo muli uyu musango. Balalwimba muno, Anna Mae kabili naimwe bonse fye.

Ndefuluka ku mwesu kabili uwabulanda,
kabili ndefwaya ukumona Yesu.
Ndefwaya ukumfwa shilye nyenjele sha
kululamba shilelila.
Kuti shabutisha inshila yandi no kufumyo
mwenso onse.
Shikulu, lekeni mone ukuciluka umupaka wa
nshita.

Mwalilumfwa luleimbwa muno mu chalici.

Kabili naumfwile Icintu cimo ciletila, “Bushe kuti
watemwa ukumona fye ukuciluka umupaka?”

Natile, “Kuti cangafwilisha nganshi.”

Kabili nalilolekeshe. Mukashita fye akanono, ine...
Ukupema fye umuku umo naishile ingile mu ncende inono
iya sululuka. Naloleshe kunuma, kabili ine nali palya,
nindala pa busanshi. Kabili natile, “Ici cintu ceni.”

Nomba, teti ntemwe imwe ukubwekeshapo ici. Ici cili
fye ku lukuta lwandi, atemwa impaanga shandi isho
ndecema. Nga cakutila cali, nali muli uyu mubili atemwa
kunse, nga cakutila cali kupilibulwa, tacali kwati
icimonwa icili conse ico natala ukukwatapo. Kuti
nalolekesha Kulya, kabili kuti nalolekesha pano.

Kabili ilyo nafikile muli ilye Ncende inono, nshatala
ukumona po abantu abengi abaleisa balebutuka,
ukulabilikisha, “Owe, munyinefwe umusuma!”

Kabili nalolekeshe. Kabili abanakashi abacikashana,
nalimo mu ciimo cakufyalwa mu makumi yabili, ikumi na
cine konse konse ukufika amakumi yabili, balebika
amaboko yabo pali ine uku nkumbata, no kubilikisha,
“Munyinefwe musuma!”

Aba balumendo baleisa, mu mimonekele ya balumendo aba lekula. Kabili amenso yabo yalebengeshima kabili yamoneke kwati ni ntanda mu nshita ya bushiku bwa mfifi. Ameno yabo yali aya buta nga magariiti. Kabili balebilikisha, no kunkumbata, no kubilikisha, “Owe, munyinefwe musuma!”

Kabili naliminine, no kulolekesha. Kabili nali umwaice. Naliloleshe kunuma pa mubili wandi ukote naulala palya, na maboko yandi kunuma ya mutwe wandi. Kabili natile, “Nshileumfwikisha ici.”

Kabili aba banakashi abacikashana balenkumbata na maboko yabo. Nomba, ninjishiba ukutila lino libumba ilya sankanishiwa, kabili ndesose ci no busuma no kutekanya kwa Mupashi. Mwe baume tekuti mubike ukuboko kwenu uku kumbata abanakashi ukwabula ukumfwa imyumfwile ya buntu; lelo tayaliko Kulya. Takwaliko mailo atemwa ubushiku bumbi. Tabatalile ukumfwa ukunaka. Bali fye...Nshatala ukumonapo abanakashi abayemba nga filya mu bumi bwandi bonse. Balikwete imishishi ishitali ukufika mu misana yabo; amalaya yabo ayatali ukufika ku nkasa shabo. Kabili bena balenkumbata fye. Tacali ukukumbata kwati nangu ni nkashi yandi, uwikele palya, enga nkumbata. Tabale mfyompa, naine nshale ba fyompa. Cali icintu cimo ico ine—ine nshikwetepo i—imilondolwele, nshakwata amashiwi ayakusosa. “Ukupwililika” teti libombe. “Icawamisha” teti libombe, nangu pamo. Cali icintu cimo ico nshatala . . .Mulingile mwaba fye Kulya.

Kabili nalilolekeshe *uku* lubali, kabili *kulya* lubali. Kabili baleisa, mu makana. Kabili natile, “Nshileumfwikishe ci.” Natile, “ Cisuma, bena . . .”

Kabili uyu alishile Hope. Ulya ali mukashi wandi uwantanshi. Alibutwike, kabili tasosele ukuti, “Umulume wandi.” Atile, “Munyina umusuma,” kabili ilyo ankumbete. Kwaliko umwanakashi naumbi uwaiminine kulya, uyo uwankumbete, e lyo kabili Hope akumbete uyu mwanakashi; kabili umo ku mubiye. Elyo natontonkenye, “Owe, ici cilingile ukuba icintu cimo icaibela. Tekuti cibe...Kuliko icintu cimo...” Natontonkenye, “Owe, bushe kuti natemwa ukubwekela kuli cilye citumbi icakale nakabili?”

Naliloleshe konse lyena. Natontonkenye, “Ici ni cinshi?” Kabili naliloleshe, bwino nganshi. Kabili na—natile, “Ine—ine teti ng’umfwikishe ci.” Lelo Hope amoneke kwati, owe, ni kangalila. Tali uwaibela, lelo alifye nga kangalila.

Kabili naumfwile Ishiwi lyena ilyo lyalandile kuli ine, cilya cali ni mucipinda, lyatile, “Ici eco washimikile ukuba Umupashi wa Mushilo. Ici e Citemwiko icapwililika. Kabili takuli icingengila Kuno ukwabula Cena.”

Ndi uwaposako sana amano, ukucila lyonse mubumi bwandi, ukutila cisenda Icitemwiko icapwililika, ku kwingila Kulya. Takwali akalumwa. Takwali ukunaka. Takwali imfwa. Ubulwele teti, bube Mulya. Ukufwa; tekuti—tekuti kumilenge ukukota. Kabili i. . .Bena tekuti balile. Cali fye kusangalala kumo.

“Owe, munyinane musuma!” Kabili balintwele pa mulu, no kunjikalika pa mulu pa ncende ikalamba iikulu iya sansama.

Natontonkenye, “Nshilelota. Ndelolesha palya pa mubili wandi—wandi uulele apa lubali pa busanshi.”

Kabili balintwele pa mulu palya. Kabili natile, “Owe, nshilingile ukwikala pa mulu pano.”

Kabili kuno kwaishile abanakashi na baume, ukufuma kumbali shonse shibili, bali fye mu cimo cabo ica kukula, ukulabilikisha. Kabili umwanakashi umo aliminine kulya, kabili alibilikishe, “Owe, munyinane umusuma! Owe, tuli abansansa uku kumona Kuno.”

Natile, “Nshileumfwikishe ci.”

Elyo kabili lilye Shiwi ilyalelanda, ukutula pa mulu wandi, lyatile, “Nawishiba, calilembwa muli Baibele, ukutila, ‘Bakasesema balonganikwe pamo na bantu babo.’”

Kabili natile, “Ee. Ndeibukisha cilya mu Malembo.”

Natile, “Cisuma, lilya elyo ukalongana na bantu bobo.”

Natile, “Kanshi bakaba abatuntulu, kabili kuti nabakumya.”

“Owe, ee.”

Natile, “Lelo, bali imintapendwa. Takwaba abena Branham abafula filya.”

Kabili lilye Shiwi lyatile, “Bena teba Branhams. Balya e bapilibulwa bobo. Balya ebo watungulwile kuli Shikulu.” Kabili lyatile, “Bamo muli bena abanakashi palya, abo uletontonkanya ukuba abasuma sana, bali ukucila pa myaka amakumi pabula iyakufyalwa ilyo wa batungulwile kuli Shikulu. E mulandu wine balebilikisha, ‘Munyinefwe musuma!’”

Kabili balibilikishe, bonse capamo, batile, “Nga tawaile, nga tatuli Kuno.”

Nalolekeshe konse. Natontonkenye, “Cisuma, nshilecumfwa.”

Natile, “Owe, inga Yesu alikwi? Ndefwaya uku Mumona, sana sana.”

Batile, “Nomba, Ena aliko fye pa mulu panono, ulubali fye lwa *kulya*.” Lyatile, “Ubushiku bumo Akesa kuli iwe. Mwamona? Atile, “Watuminwe, ukube ntungulushi. Na Lesa akesa. Kabili ilyo Akesa, Wene aka kupingula ukulingana nefyo wabasambilishe, intanshi, nga cakutila bakengilamo atemwa iyo. Tukengilamo ukulingana no kusambilisha kobe.”

Natile, “Owe, ndi uwansansa nganshi. Kabili, Paulo, bushe nao akeminina nge fi? Bushe Petro akeminina nge fi?”

“Ee.”

Natile, “Kanshi nashimikile Icebo conse ico bashimikile. Nshatalile ukutaluka kuli Cena, ulubali lumo atemwa ulubiye. Apo babatishe mwi Shina lyakwa Yesu Kristu, na ine nalicitile. Apo basambilishe ulubatishe lwa Mupashi wa Mushilo, naine nalicitile. Icili conse ico basambilishe, na ine nalicitile.”

Kabili balya bantu balibilikishe, no kusosa, “Twalishiba cilya. Kabili natwishiba tukaya nobe, ubushiku bumo, ukubwekela pe sonde.” Lyatile, “Yesu akesa, kabili ukapingulwa ukulingana ne Cebo ico watushimikilile. Kabili elyo nga wapokelelwa pali ilya nshita, eflyo iwe uka citwa,” kabili natile, “lyena ukatupela kuli Wene, nge fikombe fyobe ifya bukapyunga bobo.” Lyatile, “Ukatutungulula ifwe kuli Wene, kabili, bonse capamo, tukabwekela pe sonde, ku kwikala umuyayaya.”

Natile, “Bushe ningile ukubwelelamo nomba?”

“Ee. Lelo twalilila ukulalwisha.”

Nalilolekeshe. Kabili nalemona abantu, ukulingana fye nge fyo ningamona, ukulaisa nalyoline, ukufwaya ukunkumbata, ukubilikisha, “Munyinefwe umusuma!”

Lilya line fye Ishiwi lyatile, “Fyonse ifyo watalile ukutemwa, na fyo ifyatalile ukukutemwa, Lesa nakupela Kuno.” Kabili nalilolekeshe. Kabili apa palishile imbwa yandi iya kale, yaishile ileenda. Pano paishile kabalwe wandi, kabili abikile umutwe wakwe pa kubeya kwandi, no kununsha. Lyatile, “Fyonse ifyo watalile ukutemwa, kabili na fyonse ifya talile uku kutemwa, Lesa nafipela mukuboko kobe, ukupitila muli bukapyunga bobo.”

Kabili nalyumfwile ne mwine ukufuma muli ilye Ncende iyaemba.

Kabili nalilolekeshe konse. Natile, “Bushe na ubuuka, mutemwikwa?” Ali acili mutulo.

Kabili natontonkenye, “Mwe Lesa! Owe, ngafweni, Mwe Lesa. Mwikandeka ine ukulanshanya ne Cebo cimo. Leken i njikale fye palya pene fye pali cilye Cebo, no ku Cishimikila. Nshilesakamana ifingesa ne fingacitika, ifyo umuntu onse acita; ne mpendwa ya ba Sauli na bana baume bakwa Kish, abengema, ne mpendwa iya *ici, cilya*, atemwa *cimbi*. Ndekeni, Shikulu, ndwishe ukuya kuli ilye Ncende. Onse umwenso wa mfwa . . .

Ndesose ci, na Baibele yandi ku ntanshi, muno lucelo. Ninkwata aka mulumendo akanono kulya, imyaka ine, uku kushiwa. Ninkwata umukashana uwa myaka pabula; no musepela, abo ntotelapo, abo abapilibukile ku nshila yakwa Shikulu. Mwe Lesa, lekeni mbe no bumi, ukubaleta mu nshila yakwa Shikulu.

Pa mulu wa ici, isonde lyonse lilemoneka nge lilebilikisha kuli ine, abanakashi na baume aba myaka amakumi pabula, na ba misango yonse. “Nga tamwatalile ukuya, nga tatwaba Kuno.”

Kabili, mwe Lesa, lekeni ndwishe ubulwi. Lelo nga caisa mukufwa, nshili nakabili. . .Kuti caba ica nsasa, kuti caba ica kusangalala, ku kwingila, ukufuma muli ubu bubole ne nsoni.

Nga kuti nacicita, ukuya pa mulu, ama mailoshi billion umwanda umo mubutali, icintu ca fifutu fine, kabili cilya Citemwiko icapwililika; cila lutampulo ulu lubali, cicepelako fye, mpaka twafika pantu tuli nomba. Kuti caba fye icinshingwa fye ica bubole, cilye cintu icinono ico twingeluka no kukumya ukuti kuliko icintu cimo ku ncende imo. Tatwaishiba nga Caba ni cinshi.

Owe, mwe banandi basuma, abo natemwa, abatemwikwa bandi ba Mbila nsuma, abana bandi nafyala kuli Lesa, umfweni kuli ine, pastor wenu. Imwe, ndekabila nga kwali inshila imbi iyo ninga cilondolwelamo kuli imwe. Takwaba ifyebo; nalifililwe ukulisanga; teti lisangwe ukuli konse. Lelo ukuciluka fye uyu mupu uwa kulekelesha, kwaliba icintu ica embesha nganshi ico tamwatala. . .Takwaba inshila iya kucilondolwelako. Takwabe nshila. Tekuti ncicite. Lelo conse ico uleciita, we munandi, lekelako kuli fyonse ifyashala mpaka ukakwate Icitemwiko icapwililika. Ukuba mu mibele iyo winga temwa umuntu onse, umulwani onse, na fyonse ifyashala.

Kulyo kutandala kumo Kulya, kuli ine, na kunenga ine ukuba umwaume uwa ibela. Nshakatale, ukutala, ukutala ukuba Munyina Branham umo wine nge fyo nali. Nangula

indeke shilesunkanishiwa, nangula inkuba ilebyasha; nangula inengu ya nsonta imfuti. Conse fintu cili, tacili mulandu. Ndi no kulwisho bulwi, ku nkumbu shakwa Lesa. Pantu, nalishimikila Imbila nsuma ku cibumbwa conse na ku muntu onse uo nafikako, ukuba konkomesha kuli ilye Mpanga isuma kulya.

Kuti camoneka icakosa. Kuti casenda amaka ayengi. Nshishibe inshita ntali cikafika. Tatwishibe, ukulanda palwa ku mubili. I. . . Ukufuma mukupimwa ubushiku bumbi, atile, “Naukwata imyaka amakumi yabili na isano iya kosa, ubumi busuma. Uli na maka.” Cilya calingafwilishe. Lelo, owe, cilya tacali eco. Cilya te co. Cintu cimo mukati *umu*. Ici cibola cilingile ukufwikwa icishibola. Ici cifwa cilingile ukufwikwa icishifwa.

Abana baume bakwa Kish kuti baima. Ine. . . Ifintu fyonse ifisuma ifyo bacita, nshikwetepo nangu cimo icibi ukususha cena, ukupela ku bapina na bakwafwilisha. Kabili ibukisha, cinshi, Samuel aebele Sauli, “Na iwe wine uli no kusesema.” Kabili abengi balya abaume bakalamba, bakashimikila impalume, kuti bashimikila Icebo kwati ni ba malaika bakalamba. Lelo nelyo line tacali ubufwayo bwakwa Lesa. Lesa ali no kube mfumu yabo. Muniyina, nkashi, lekeni Mupashi wa Mushilo ale mutungulula.

Natukontamike imitwe yesu pakashita fye.

Ndefuluka sana ku mwesu kabili no bulanda,
ndefwaya ukumona Yesu,

Ndefwaya ukumfwa shilye nyenjele isha
kwishilya shilelila;

Kuti cabutisha inshila yandi kabili kuti
cafumyapo umwenso onse;

Shikulu, lekeni tumone ukuciluka pa mupaka
wa nshita.

Shikulu, lekeni ndoleshe ukuciluka umupaka
wa bulanda no mwenso,
Lekeni mone ilye ncende iya lubuuto
ulwabuta tutu;
Kuti cakoselesha icitetekelo cesu kabili kuti
casalanganya no mwenso onse;
Shikulu, lekeni bamone ukuciluka pa mupaka
wa nshita.

Ndi uwa shininkisha, Shikulu, ngo lu lukuta ulunono,
muno lucelo, nga kuti bamona fye ukuciluka pa mupaka!
Ukwabula icakukalipwa nangu cimo pakati kabo; tekuti
kutale ukuba. Ukwabulo bulwele; nangu bumo lelo
kupwililika. Kabili Caba ukupema fye umuku umo pakati
ka pano na Kulya, ukufuma ku ciimo ca bukote ukuya ku
ca musepela, ukufuma mu nshita ukuya mu Muyayaya;
ukufuma mu kunaka kwa bushiku ubuleisa, no bulanda
ubwa mailo, mpaka inshita ikesa iya Muyayaya
mukupwililika.

Ndepepa, Lesa, ukuti Mwalapala umuntu onse muno,
nga kuliko abo muno, Shikulu, Abashamwishiba muli ilye
nshila ya Citemwiko. Kabili mucine, Tata, takuli nangu
cimo icingengila muli ilye Ncende iya mushilo ukwabule
cilye Citemwiko ica musango ulya, Ukufyalwa cipya
cipya, ukubo wafyalwa libili. Umupashi wa Mushilo,
Lesa, Citemwiko, kabili twalishibo kuti cilya cishinka. Te
mulandu nga tulasesha impili ku citetekelo cesu, nga
twalicitile ifintu ifikalamba, nelyo line, ukwabula Cilya
kulya, te kuti tunine ulyo mutanto uukalamba kulya. Lelo
na Cilya, Cili no kutufumya ku fya kusakamana ifya lino
isonde. Ndepepa, Tata, ukuti Muli no kupala aba abantu
muno.

Kabili lekeni, ukutula, umuntu onse uyo ung’umfwile, muno lucelo, ukusose ci Cine, ukuti Mube kambone wandi, Shikulu, nga Samuel wakale; “Bushe nalitala ukubeba icintu icili conse mwi Shina Lyenu lelo ico icali cishinka?” Bena ni bakapingula. Kabili ndebeba nomba, Shikulu, ukutula mwalinsendele kuli cilye Cifulo. Kabili mwalishibo kuti cilya cishinka.

Kabili nomba, Tata, nga kuliko bamo abo abasha Mwishiba, lekeni ino ibe nshita iyo bengasosa, “Shikulu, bikeni muli ine ubufwayo ubwa bufwayo Bwenu.” Cipeleni, Tata.

Kabili nomba, imwe, ne mitwe yenu iya kontamikwa, bushe kuti mwaimya amaboko yenu, no kusosa, “Mpepelako, Munyina Branham; Lesa ali no kubomba muli ine.”

Nomba lintu mucili pantu muli, mu busuma fye bonse, cinshi tamulesosela fye kuli Tata? “Lesa, mukati ka mutima wandi, ilelo, ndekana ifintu fyonse ifya mwisonde. Ndekana ifili fyonse, ku kutemwa Imwe no kubombela Imwe, ubumi bwandi bonse. Kabili ndi no kucita, ukufuma buno bushiku, ukuya pa ntanshi, uku Mukonka, mwi Lembo lyonse ilya mu Baibele Yenu.” Nga cakutula tamwabatishiwa mu lubatisho ulwa Bwinakristu, “Ndi no kucita, Shikulu.”

“Nga cakutula nshilapokelela Mupashi wa Mushilo. . .” Muli no kwishiba ilyo Mukaupokelela. Ukapela kuli imwe. Ukapela kuli imwe icishininkisho ne Citemwiko ico mukabila. Owe, limbi kuti mwalicita ifyaibela, mwalikwete ifya kumfwa umfwa, ngefyo nalimo mwalipundile atemwa ukulandila mundimi. Ico cili fye

bwino. Lelo nga cilya Icite mwiko ca Bulesa tacili mulya, muncetekele nomba, no kusosa, “Shikulu, bikeni mu mutima wandi, kabili na mu mweo wandi, ukwikatwa ukwa Mupashi Wenu, pakutila ninga temwa, no kucindika, no kukwata cilye Citemwiko ca Bulesa mu mutima wandi, ilelo, ico cingansenda kuli cilye Cifulo ilyo mupu wandi uwa kulekelesha wafuma muli ine,” ilyo tulepepa. Pepeni, mwebene, nomba. Munshila yenu, pepeni, lombeni Lesa ukumicitila cilya.

Nalimutemwa. Nalimutemwa. Imwe mwe baume abasuma abali nemfwi ku mitwe mwebekele muno, abo ababombesha na maka no kulisha abana abanono! Imwe mwe bapina, ba nacifyashi abakote mwe bafuta ifilamba mu menso yabo! Leken i mukonkemeshe ici, nkashi, mutemwikwa, tacaba muli ulya musango ukucilinganya intamfu iyalepa imbi kulya. Nalicetekela ukutila mu Cine cine caba mu cipinda. Caba fye muciputulwa ico twikalamo. Ubu bubolefye ubo tuleikalamo nomba.

“Lelo fwayeni muli ine, Shikulu, ubufwayo Bwenu bube.” Mulepepa, ilyo tulepepela pamo.

Nakatina, Shikulu, pe shintililo fye ilya Cebo Cenu kabili na Mupashi wa Mushilo, tuli abansansa ukwishiba uko ukufyalwa kwesu kwafuma. Tuli abansansa ukutila twali “fyelwe te kubufwayo bwa muntu, atemwa ubufwayo bwa mubili, lelo ku bufwayo bwa kwa Lesa.”

Kabili tulepepa, ilelo, Tata, ukutila aba abalelomba ubwelelo ku luse, ukutila Umupashi Wenu uli nokubomba ulya mulimo, Shikulu. Takwaba inshila kuli ine ku kucicita; ndi muntu fye, umwana mwaume umbi wakwa Kish. Lelo tulekabila Imwe, Umupashi wa Mushilo.

Mwe Lesa, lekeni mbe nga Samueli, uyo ulande Cine ica Cebo. Kabili Mwali cishininkisha Cena, mpaka lelo, kabili ndecetekela Muli no kutwalilila, ilyo ndetwalilila ukuba uwa cishinka kuli Imwe.

Lekeni bena bonse fye nomba bapokelele Umweo wa Muyayaya, Tata. Lekeni buno bushiku bekabulabako. Muli ora ilyo bakalafuma muli ino isonde, lekeni ici, ico nsosele fye kuli bena, cikabe cituntulu. Kabili ilyo twikele muno, abalefwa, ilelo, ukulolesha pa nkoloko yesu, ukutontonkanya pa cakulya cesu ica mulalilo, pafya ncito mailo, pa fyakusakama no kucucutika pafya bumi, tafyakabeko Lyena. Fyonse fikapwa. Takwakabe ukusakamana; no kusangalala kumo ukukalamba ukwa Muyayaya. Bapeleni Ubumi ubwamusango filya, Tata, cila umo. Kabili lekeni . . .

Nde Mulomba ici, Tata, ukuti umuntu onse uuli muno muno lucelo, uyo uwang'umfwa ukulanda pali ici cimonwa, lekeni nkakumanye cila umo muli bena kulubali lumbi; nangula kuti kwaba abaume muno abo abengatalikishanya naine, na banakashi, nabo. Lelo, Tata, mwikaleka cilya cikeminine mu nshila yesu. Lekeni tukabakumanye Kulya lubali, kabili bakabutuke, nabo, kabili tukakumbatane umo no mubiye, ukubilikisha, "Munyinefwe musuma." Lekeni cibe nge fyo calangishiwe Kulya, Shikulu, kuli onse, bonse abo natemwa, kabili bonse abantemwa. Ndepepa ukutila cili no kuba muli ilya nshila, Shikulu. Kabili nalibatemwa bonse. Lekeni bakamoneke, Tata. Ndebapela Umweo wa Muyayaya nomba. Lekeni bacite iciputulwa cabo, ku ku Cipokelela. Pantu nalombela ici mwi Shina lyakwa Yesu. Ameni.

Tukwete fye inshita inono, ukupepela abalwele. Nimona na tukwata umunono, umukashana umulwele muno, kabili na namayo mucipuna.

Nomba, kuli ba munyinane natemwisha, ba nkashi, napapata mwiesha ukug'umfwila mumbi. Nshi—nshishibe icacitike. Nshishibe icacitike. Lelo, Lesa, ilyo nkafwa, lekeni nkabwekele Kulya. Lekeni fye nkaye kuli cilye Cifulo, kulya eko ndefwaya nkabe, nga kwali nikwisa. Nshileesha ukuba Paulo uyo uwaiketwe mu myulu ya citatu. Nshilesose fyo. Ndecetekela ukutula Aleesha fye ukunkoselesha, ukwesha ukumpela icintu cimo icinono ukuntwala pa ntanshi, muli bukapyunga bwandi ubupya ubuleisa.

(Ici ciputulwa cafumishiwa mu
Mfumu Iyakenwe, May 15, 1960.)

BEMBA

©1998 VGR, ALL RIGHTS RESERVED

VOICE OF GOD RECORDINGS
P.O. BOX 950, Jeffersonville, Indiana 47131 U.S.A.
www.branham.org

Icishibisho ukufuma ku mwine kalemba

Insambu shonse tashisuminishiwe. Ili buku kuti Iya lembwa pali pulinta yapa ng'anda ku kubomfya kwa muntu pa lwakwe nangu ukupela, ukwabula amalipilo, nge cipe caku sabankanya Imbila nsuma iya kwa Yesu Kristu. Ili buku tekuti lishitishiwe, ukulembululwamo ayengi, ukubikwa pa mwela, ukusungila muli ba mashini, ukwalula mu ndimi shimbi, nangu ukuli bomfya ku kulomba indalama ukwabula insambu shalembwa na ba Voice Of God Recordings®.

Nga mulefwaya ukwishibilapo nafimbi nangu ukufwaya na fimbi ifyabapo, twalomba tumeni kuli ba:

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org